



Na osnovu člana 14. Zakona o sistemu indirektnog oporezivanja u Bosni i Hercegovini („Službeni glasnik BiH“ br. 44/03, 52/04, 4/08, 49/09) i člana 42. stav (2) Zakona o Upravi za indirektno oporezivanje („Službeni glasnik Bosne i Hercegovine“, broj 89/05), na prijedlog direktora Uprave za indirektno oporezivanje, Upravni odbor Uprave za indirektno oporezivanje na sjednici održanoj dana 01.12.2011. godine, donosi

P R A V I L N I K
o izmjeni Pravilnika o službenom odijelu zaposlenih
u Upravi za indirektno oporezivanje

Član 1.

U Pravilniku o službenom odijelu zaposlenih u Upravi za indirektno oporezivanje (u daljnjem tekstu: Pravilnik) broj: 02-1568-6/07 od 25.06.2007. godine („Službeni glasnik BiH“ broj 54/07), član 2. stav (1) se mijenja i glasi:

„ (1) Obavezu nošenja službenog odijela imaju slijedeći zaposleni u UIO:

a) U Središnjem uredu:

- 1) zaposleni u Odjeljenju za internu reviziju koji obavljaju kontrolno-revizione poslove,
- 2) zaposleni u Odsjeku za kontrolu Sektora za carine koji obavljaju poslove kontrole,
- 3) zaposleni u Sektoru za provođenje i poštivanje carinskih i poreznih zakonskih propisa koji preduzimaju radnje na suzbijanju krijumčarenja, otkrivanju carinskih i poreznih prijevara i istražne radnje,
- 4) zaposleni u Sektoru za poreze- Odsjek za kontrolu i reviziju, Odsjek za kontrolu velikih poreznih obveznika i Grupi za kontrolu velikih poreznih obveznika koji obavljaju poslove kontrole indirektnih poreza,

b) U regionalnom centru:

- 1) zaposleni u Grupi za internu reviziju koji obavljaju kontrolno-revizione poslove,
- 2) zaposleni u Odsjeku za carine i to: u Grupi za kontrolu koji obavljaju poslove kontrole, u carinskim ispostavama, carinskim referatima i carinskim referatima na graničnim prijelazima,
- 3) zaposleni u Odsjeku za provođenje i poštivanje carinskih i poreznih zakonskih propisa koji preduzimaju radnje na suzbijanju krijumčarenja, otkrivanju carinskih i poreznih prijevara i istražne radnje,
- 4) zaposleni u Odsjeku za poreze, Grupi za kontrolu i reviziju koji obavljaju poslove kontrole indirektnih poreza,
- 5) zaposleni u Grupi za prinudnu naplatu koji obavljaju poslove prinudne naplate indirektnih poreza.“

Član 2.

Ovaj Pravilnik stupa na snagu osmog dana od dana objavljivanja u „Službenom glasniku BiH“.

Broj: 50-4-71-84/11
Dana, 28.12.2011. godine

Predsjednik Upravnog odbora
Dragan Vrankić